



“ प्रभु कर स्वर्गीय सद्द्वैत ”

राऊरे कर सुबिधा लागिन छोट किताव कर रूप में प्रकाशित करल जा हे, जेकर से कि राऊरे इके सोव बेरा सहज से राईख राहू आऊर, तनि कन समय पाले हो आपन समय के नष्ट ना कर्हर के इके पईठ के लाभ उठाय सकू ।

इकर विषय पबितर शास्त्र से चुनल जा हे । हमर विश्वास अहे कि पबितर शास्त्र आपन पद मन के अपने सफा-सफा बताएला । मोंय आशा करोन कि ई पद मन प्रभु कर सुसमाचार स्पष्टता से देवेक पारबयँ ।

परमेश्वर कर वचन सत कर खोजी मन कर लगिन लाभ-दायक अहे । जखन केऊ अदमी आपन पाप के माईन के गोटा जीऊ से मसीह यीशु उपरे विश्वास करेला तखन प्रभु यीशु मसीह अपन शांति के विश्वासी कर हृदय में डाईल देवेला । ई अनुभव मोके १६३७ में भेलक । इकर पाछे मोर सम्पर्क परमेश्वर से कहियो नी छुटलक ।

राऊर से मोर अर्जी अहे कि राऊरे हो प्रभु यीशु के आपन जीवन देई के उद्धार कर्ता अपनाय लेऊ ।

— वाटसन गुडमैन ।

परमेश्वर कर प्रेम (१)

रोमियों ५ : ८

मुदा परमेश्वर हमर उपरे आपन प्रेम कर भलाई ई तईर से परगट करेला कि जखन हमरे पापी हे रहली तखने हे मसीह हमर लागिन मोरलक ।

यूहन्ना १३ : १

पसका परब कर आगे जखन यीशु जाईन गेलक कि मोर ऊ घड़ी आय जाहे कि दुनिया छोईड़ के बाप ठिन जामू, तो आपन अदमी मन से, जे दुनिया में रहलय, जईसन प्रेम ऊ राखत रहे, ऊसने हे प्रेम आखिरो तक राखते रहलक ।

प्रकाशित वाक्य १ : ५

आऊर यीशु मसीह देने से, जे विश्वास जोग साक्षी आऊर मोरल मन से जी ऊठेक वाला मन में पहिलीठा आऊर दुनिया कर राजा मन कर हाकिम हेके, तोहरे के अनुग्रह आऊर शांति मिलते रहोक, जे हमरे से प्रेम राखेला आऊर जे आपन लोह कर द्वारा हमरे के पाप से छुड़ालक ।

यूहन्ना ३ : १६

काले कि परमेश्वर ई दुनिया से अईसन प्रेम करलक कि ऊ आपन एकलौता बेटा के देई देलक, जेकर से जे केऊ उकर ऊपरे विश्वास करि, से नाश नी होवी मुदा अनन्त जीवन पावी ।

यिर्मयाह ३१ : ३

यहोवा मोके दूर से दरसन देई के कहलक मोयँ तोर से अनन्त प्रेम करत आय हों सेकरे से मोयँ तोर ऊपरे आपन कहुणा बनाए राईख हों ।

(२) प्रभु यीशु मसीह कर लेज

मती १ : २२, २३

ई सोब ई लागिन भेलक कि जे वचन प्रभु भविष्य दक्ता कर द्वारा कईह रहे, से पुरा होई, कि देखा एक गो डिडा भारी गतर होवी आऊर एक गो छऊवा जनमाई आऊर उकर नाम इम्मानुएल राखल जाई, जेकर माने, "परमेश्वर हमर साथ" ।

यूहन्ना १ : १, १४

आदि में वचन रहे, आऊर वचन परमेश्वर कर साथ रहे, आऊर वचन परमेश्वर रहे । आऊर वचन देह धारण करलक, आऊर अनुग्रह आऊर सच्चाई से भईर के हमर बीच में डेरा करलक, आऊर हमरे उकर अईसन महिमा देखली, जईसन कि बाप कर एकलौता कर महिमा ।

१ तोमुथियुस ३ : १६

आऊर इकर में सन्देह नखे कि भक्ति कर भेद गंभीर अहे, अर्थात् ऊ जे गतर में परगट भेलक, आत्मा में धरमो ठहरलक, स्वर्गदूत मन के दिसलक, अभ्य जाति मन में उकर परचार होलक, दुनिया में उकर ऊपरे विश्वास करल गेलक, आऊर महिमा में ऊपरे उठाल गेलक ।

यूहन्ना १४ : ६, १० :

यीसु उके कहलक; हे फिलिप्पुस, मोयँ एतई दिन से तोहर साथ अहों, आऊर का तोयँ मोकें नी जानिसला ? जे मोकें देख हे से बाप के देख हे, तोयँ काहे कहिसला कि हमरे के बाप के दिखाय दे । का तोयँ विश्वास नी करिसला कि मोयँ बाप में अहों आऊर बाप मोर में अहे ?

यीशु, परमेश्वर कर बेटा (३)

१ यूहन्ना ४:१५

जे केऊ ई माईन लेवेला कि यीशु परमेश्वर कर बेटा अहे पर-
मेश्वर उकर में बनल रहेला आऊर ऊ परमेश्वर में ।

कुलुसियों २:६

काले कि उकर में ईश्वरत्व कर सोब भूरपूरी गतर समेत बास
करेला ।

यशायाह ६:६

काले कि हमर लगिन एकगो बालक जनमलक, हमरे के एक
गो बेटा देवल जाहे, आऊर प्रभुता उकर काईन्ध में होवी, आऊर
उकर नाम अद्भुत, युक्तिकरेकवाला, पराक्रमी परमेश्वर, अनन्त
काल कर बाप आऊर शांति कर राजकुमार राखल जाई ।

मत्ती १७:५

ऊ कहते रहे कि देवा, एकगो उजर बदरी ऊ मन के ढाईय
लेलक, आऊर देखा, ऊ बदरी में से ई शब्द भेलक कि ई मोर
प्रिय बेटा हेके, जेकर से मोयँ खुश अहो, इकर सुना ।

लूका १:३५

स्वर्गभूत उके कहलक कि पवितर आत्मा तोर उपरे आवी,
आऊर परम परधान कर सामर्थ तोर उपरे छाई करी, सेकर
चड़े ऊ पवितर जे जनम लेवेक वाला अहे, परमेश्वर कर बेटा
कहाई ।

(४) यीशु मसीह बलाएला कि ऊ के हेके

यूहन्ना ११:२५

यीशु उके कहलक, पुनरुत्थान आऊर जीवन मोहे हेकों । जे केऊ मोर ऊपरे विश्वास करेला, यदि मोईर भी जई तऊ भी जीई ।

यूहन्ना १३:१३

तोहरे मोके गुरू आऊर प्रभु कहल, आऊर ठीके कहल, काले कि मोयँ ओहे हेकों ।

यूहन्ना ८:२३

ऊ ऊमन से कहलक, तोहरे हेंठे कर हेका, मोयँ ऊपरे तर हेकों, तोहरे संसार कर हेका, मोयँ संसार कर न लागों ।

यूहन्ना ८:५८

यीशु ऊमन से कहलक, मोयँ तोहरे से सत सत कहाथों कि इब्राहीम जनमलक उकर आगे हे ले मोयँ अहों ।

यूहन्ना ९:५

जखन तक मोयँ दुनिया में अहों, तखन तक दुनिया कर ईंजोत हेकों ।

यूहन्ना १०:७

तले यीशु ऊमन से फिन कहलक, मोयँ तोहरे से सत सत कहाथों कि भेड़ी मन कर दुरा नोयँ हेकों ।

यूहन्ना ६:३५

यीशु ऊमन के कहलक, जीवन कर रोटी मोहे हेकों, जे मोर ठिन आवी से कभी भूखा नी होत्री, आऊर जे मोर ऊपरे विश्वास करी से कभी प्यासा नी होवी ।

यीशु ससीह कर आश्चर्यकर्म (५)

मती १४:१६-२१

तले ऊ अदमी मन के घास उपरे बईठेक कहलक, आऊर ऊ पाँच रोटी आऊर दुई गो मछरी के लेलक, आऊर स्वर्ग दने देईख के जोहार करलक आऊर रोटी मन के तोईड़ तोईड़ के चेला मन के देलक आऊर सोब खाय के अधाय गेलयँ, आऊर ऊ मन बचल टुकड़ा मन से भरल बारो गो टोकरी उठालयँ। आऊर खायेक वाला मन जनाना आऊर छऊवा मन के छोईड़ के अंदाज पाँच हजार मर्दाना मन रहयँ। लूका ५:४-६

जबन ऊ गोठियाय चुकलक, तो शमीन से कहलक, ग हरा बटे लेई चल आऊर मछरी धरेक लगिन आपन जाल के डाल। शमीन उके कहलक, ए गोमके, हमरे गोटा राईत हिम्मत करली आऊर कोनो नी धरली; तेईयो तोहर कहल से जाल डालमू। जब ऊ मन अईसन करलयँ तो ढेर सन मछरी धईर आनलयँ आऊर ऊ मन कर जाल फाटेक लागलक।

मती २०:३०-३४

आऊर देखा, दुई गो अन्धरा, जे सड़क किनार में बईठल रहयँ, ई सुईन के कि यीशु जाथे, पुकराय के कहेक लागलयँ, कि हे प्रभु; दाऊद कर सन्तान, हमरे उपरे दया कर। अदमी मन ऊ दुईयो के धमकालयँ कि चूपे रहा; मुदा ऊ दुईयो आऊर चिल्लाय चिल्लाय के कहलयँ, हे प्रभु, दाऊद कर सन्तान हमरे उपर दया कर। तले यीशु ठडालक, आऊर ऊ दुईयो के बुजाय के कहलक तोहरे का खोजल कि मोयँ तोहरे लगिन करमू? उ दुईयो उकर से कहलयँ; हे प्रभु, ई कि हमरे कर आँईख खुईल जावोक। यीशु तरस खायके ऊ दुईयो कर आँईख के छलक, आऊर ऊ दुईयो तुरतेहे देखेक लागलयँ आऊर उकर पीछे होई गेलयँ।

(६) यीशु मसीह सृष्टिकर्ता आऊर प्रभु हेके
कुलुस्सियों १:१६

काले कि उकरे में सोब चीज मन कर सृष्टि भेलक, स्वर्ग कर
होक चाहे दुनिया कर, देखल चाहे अनदेखल, का सिंहासन, का
प्रभुता, का प्रधानता, का अख्तियार, सोभे चीज उकरे द्वारा
आऊर उकरे लगिन सिरजल जा हयँ ।

रोमियों १४:६

काले कि मसीह ई लगिन मोरलक आऊर जी हो उठलक कि
मोरल आऊर जीयत मन दुईयो कर प्रभु होई ।

यूहन्ना १:३

सोब चीज उकरे द्वारा सिरजल गेलक आऊर जे कुछ सिरजल
गेलक उकर में से कोनो हो चीज उकर बेगर नी सिरजल गेलक ।

१ कुरिन्थियों १:६

परमेश्वर सत हेके, जे तोहरे मन के आपन बेटा हमरे कर प्रभु
मसीह कर संगति में बुलाय हे ।

प्रेरितों २:३६

से लगिन अब इस्त्राएल कर पूरा घराना निश्चय जाईन लेवोक
कि परमेश्वर ओहे यीशु के जेके तोहरे क्रूस उपरे चघाला , प्रभु
हो ठहरालक और मसीह हो ।

यीशु मसीह सोब कर न्यायी हेके (७)

प्रेरितों १०:४२

आऊर ऊ हमरे के आज्ञा देलक कि अदमी मन में परचार करा आऊर गोवाह देवा कि ई अझे हेके; जे के कि परमेश्वर जीयत आऊर मोरल मन कर न्यायी ठहराय हे ।

रोमियों २:१६

जे दिन परमेश्वर मोर सुसमाचार कर अनुसार यीशु मसीह कर द्वारा अदमी मनक छिपल गोईठ मन कर विचार करी ।

२ तीमुथियुस ४:१

परमेश्वर आऊर मसीह यीशु के गोवाह कईर के, जे जीयत मन आऊर मोरल मन कर विचार करी, उके आऊर उकर परगट भेएक, आऊर राईज कर सुधि दिलाय के मोयँ तोके चेतार्थों ।

मती २५:३२

आऊर सोब जाईत मन उकर आगे जमा करल जावयँ; आऊर जईसन चरवाहा भेड़ी मन के छगरी मन से जुदा कईर देवेला, उमनेहे से ऊ मन के एक दूसर से जुदा करी ।

यूहन्ना ५:२२

आऊर बाप केकरोहो विचार नी करेला, मुदा विचार करेक कर मोव काम बेटा के सोईप देई हे ।

रोमियों १४:१०

तोयँ आपन भाई ऊपरे दोष काले देविसला ? चाहे तोयँ फिन काले आपन भाई के नीचा देखिसला ? हमरे सोब के परमेश्वर कर विचार सिहासन कर आगे ठढ़ाएक होई ।

(८) छुटकारा केवल यीशु मसीह कर द्वारा अहे

यूहन्ना १०:६

दुरा मोयँ हेकों; जदि केऊ मोर द्वारा भीतरे ढुकी तो उद्धार पावी, आऊर भीतरे बाहर भावा जावा करि आऊर चारा पावी ।

यूहन्ना १४:६

यीशु उकर से कहलक डहर आऊर सत आऊर जीवन मोहे हेकों; मोर बिना केऊ बाप ठिन नी जाय सकेला ।

यूहन्ना ८:२४

सेकर से मोयँ तोहरे से कहलों कि तोहरे आपन पाप में मोरबा; काले कि जदि तोहरे विश्वास नी करवा कि मोयँ ओहे हेकों तो आपन पाप में मोरबा ।

इब्रानियों ५:६

आऊर सिध्द बईन कईर के आपन सोब हुकूम मानेक वाला मन लगित सोब खन कर उध्दार कर जरिया होई गेलक ।

प्रेरितों ४:१२

आऊर केऊ दूसर कर द्वारा उध्दार नखे, काले कि स्वर्ग कर नीचे अदमी मन कर बीच में आऊर केऊ दूसर नाम नी देवल जाहे जेकर द्वारा हमरे उध्दार पाय सकिला ।

इब्रानियों ६:५

सेकर से जे केऊ उकर ठिन आवेन, ऊ उमन कर पूरा-पूरा उध्दार कईर सकेला, काले कि ऊ उमन कर लगित बिनती करेक ले सोब खन जीयत अहे ।

छुटकारा केवल यीशु मसीह कर द्वारा अहे (६)

कुलुस्सियों १:१२-१४

आऊर बाप कर जोहार करते रहा जे हमरे के ई लाईक बनालक कि ई जेत में पवितर मनकर साथ मीरास में भागीदार होवब । ओहे हमरे के अंधकार कर वश से छुड़ाये के आपन प्यारा बेटा कर राईज में प्रवेश करालक, जेकर में हमरे के छुटकारा अर्थात् पाप कर क्षमा मिलेला ।

लूका १६:१०

काले कि अदमी कर बेटा हेराल मन के खोजेक आऊर ऊ मन कर उधदार करेक आय हे ।

तीतुस २:१४

जे आपन आप के हमरे खातिर देई देलक, कि ऊ हमरे के सोब अधरम से छुड़ाई, आऊर शुधद कईर के आपन लगिन एगो अईसन जाईत बनावी जे बेस-बेस काम में सरगरम रही ।

१ कुरिन्थियों १:३०

मुदा उकरे दने से तोहरे मसीह यीशु में अहा जे परमेश्वर दने से हमर लगिन ज्ञान ठहरलक, अर्थात्, धरम आऊर पवितरता आऊर छुटकारा ।

प्रकाशित वाक्य ५:६

आऊर ऊ मन ई नवा गीत गायेक लागलयँ कि तोयँ ई किताब के लेवेक आऊर इकर मुहर मन के खोलेक लगिन लाईक अहिस; काले कि तोयँ बब ह ईके आपन लोहू से सोब कुल आऊर भाषा आऊर अदमी मन आऊर जाईत मन में से परमेश्वर लगिन अदमी मन के कीन लेई हीस ।

(१०) यीशु मसीह कर लोहू से छुटकारा

१ पतरस १:१५-१६

काले कि तोहरे जानल कि तोहर निकम्मा चाल-चलन जे बाप दादा परिया से चईल आवत रहे, उकर से तोहर छुटकारा चाँदी-सोना अर्थात् नाशमान चीज मन से नी होलक, मुदा निर्दोष आऊर निष्कलंक पठह अर्थात् - मसीह कर बहुमूल्य लोहू कर द्वारा होलक ।

इब्रानियों ६:१४

तो मसीह कर लोहू जे आपन आपके सनातन आत्मा कर द्वारा परमेश्वर कर आगे निर्दोष कईर के चघालक, तोहर विवेक के मोरल काम मन से काले नी शुध्द करी, जेकर से कि तोहरे जीयत परमेश्वर कर सेवा करवा ।

रोमियों ५:६

सेकर से जखन हमरे अब उकर लोहू कर द्वारा धरमी भेरीके तो उकर द्वारा खीस से काले नी बाचोव ?

इफिसियों १:७

हमरे के उकर में उकर लोहू कर द्वारा छुटकारा अर्थात् - पाप मन कर क्षमा उकर ऊ अनुग्रह कर धन कर अनुत्तार मिईल हे ।

१ यूहन्ना १:७

मुदा जईसन ऊ ईंजोत में हय, उसनेडे हमरे हो जदि ईंजोत में छिंके तो एक दूसर सयँ सहभागिता राखीला आऊर उकर बेटा यीशु कर लोहू हमरे के सोत्र पाप से सफा करेला ।

उद्धार प्रभु यीशु मसीह उपरे विश्वास (११) लानेक से

इफिसियों २:८, ९

काले कि विश्वास कर द्वारा अनुग्रहे से तोहर उद्धार भेलक हय, आउर ई तोहर देने से ना लागे, मुदा, परमेश्वर कर दान हेके । आऊर न करम कर चड़े, अईसन निहीं कि केऊ घमण्ड कईर सकी ।

रोमियों ५:१

सेकर से जब हमरे विश्वास से धरमी भेली, तो आपन प्रभु यीशु मसीह कर द्वारा परमेश्वर संगे मेल राखोव ।

गलतियों ५:६

आऊर मसीह यीशु में न खतनावाला, न बेगर खतनावाला कोनो काम कर अहे, मुदा जे प्रेम कर द्वारा प्रभाव करेला से हे ।

१ यूहन्ना ५:४

काले कि जे केऊ परमेश्वर से जनईम हे, ऊ दुनिया उपरे जय प्राप्त करेला आऊर ऊ विजय जेकर से दुनिया उपरे जय मिलेला से हमर विश्वास हेके ।

यूहन्ना ६:२८-२९

ऊ मन उकर से कहलयँ, परमेश्वर कर काम करेक लगिन हमरे का करब ? यीशु ऊ मन के कहलक; परमेश्वर कर काम ई हय कि तोहरे उकर उपरे, जेके उ भेईज हे, विश्वास करा ।

यूहन्ना २०:३१

मुदा ई सोब इकर लगिन लिखल जा हे कि तोहरे विश्वास करा कि यीशु हे परमेश्वर कर बेटा मसीह हय, आऊर विश्वास कईर के उकर नाम से जीवन पावा ।

(१२)

परमेश्वर कर दया

भजन संहिता १०३:११

जईसन आकाश भुईं उपरे तनल अहे, उसनेहे उकर करुणा उकर भय राखेक वाला मन कर उपरे बनल रहेला ।

भजन संहिता १०३:१७

मुदा यहोवा कर करुणा उकर भय राखेक वाला मन कर उपरे जुग-जुग आऊर उकर धरम उकर नाती-पोता मन कर उपरे हो परगट होवेला ।

त्रिलाप गीत ३:२२, २३

हमरे मिट नी मेली ई यहोवा कर बड़ करुणा कर फर हय, काले कि उकर दया अमर अहे । रोज बिहनिया ऊ नवा होत रहेला, तोर सत् बड़ हय ।

भजन संहिता १०५:४

काले कि तोर करुणा आकाश से हो उपरे अहे, आऊर तोर सत् आकाशमण्डल तक हय ।

तीतुस ३:५

तो ऊ हमर उद्धार करलक; आऊर ई धरम कर काम चड़े निहीं, जे हमरे खुद करली, मुदा आपन दया कर अनुसार नवा जनम कर स्नान आऊर पवितर आत्मा कर हमरे के नवा बनायेक कर द्वारा भेलक ।

मीका ७:१५

तोर लेखे अईसन परमेश्वर कहाँ हय, जे अधरम के क्षमा करी, आऊर आपन निज भाग कर बचल मन कर पाप के ढाँईं प देवी ? ऊ आपन स्त्रीस के सोब बेरा बनाय नी राखेला, काले कि ऊ करुणा से प्रीति राखेला ।

परमेश्वर हमारे के आपन ठिन बुलायेछा (१३)

मती ११:२५

ए सोव परिश्रम करेक वाला मन आऊर बोझ से दबल अदमी मन, मोर ठिन आवा; मोयँ तोहरे के विश्राम देमू ।

प्रकाशित वाक्य २२:१७

आऊर आत्मा आऊर कनिया दुईयो कहैन, आव, आऊर जे पियासल अहे, ऊ आवोक आऊर जे केऊ चाहेल ऊ जीवन कर पानी मुफुत में लेवोक ।

यूहन्ना ७:३७

तले परव कर आविरी दिन, जे विशेष दिन रहे यीशु ठढालक आऊर पुकराय के कहलक, अगुर केऊ पियासल अहे तो मोर ठिन आय के पियोक ।

यशायाह ५५:१

ए सोव पियासल अदमी मन, पानी ठिन आवा, आऊर जे मन ठिन रुपया नखे, तोहरे हो आय के किना आऊर खावा; दाखरस आऊर दूध बेगर रुपया कर आऊर बेगर दाम कर आय के लेई लेवा ।

यशायाह १:१८

यहोवा कहला, आवा हमरे आपस में गोठियाब, तोर पाप चाहे लाल रंग कर होई, तऊभी उ बरफ लेखे उजर होई, जई आउर चाहे अर्गवानी रंग कर होई, तऊभी ऊ ऊन लेखे उजर होई जई ।

(१४) सोब परमेश्वर कर सन्तान न लागयँ

१ यूहन्ना ३:१०

इकरे से परमेश्वर कर सन्तान आऊर शैतान कर सन्तान चिन्हाल जायेंना; जे केऊ धरम कर काम नी करेल, ऊ परमेश्वर देने से ना लागे, आऊर उ हो निही, जे आपन भाई से प्रेम नी राखेला।

रोमियों ८:१४, १५

इकर से कि जतना मन परमेश्वर कर आत्मा कर चलाल चलैना, ओहे मन परमेश्वर कर बेटा हेकयँ। काले कि तोहरे के धांगर मनक आत्मा नी मिईल हे कि डराबा, मुदा गोद लेवल बेठा कर आत्मा मिईन हे जेकर से हमरे एअब्बा, ए बाप कईह के पुकराईला।

फिलिप्पियों १:१५

जेकर से कि तोहरे निर्दोब आऊर भोला बईन के टेढ़ आऊर हूठ करेक वाला अदमी मन कर बीच में परमेश्वर कर पवितर सन्तान बनल रहबा, जे मनक बीच में तोहरे जीवन कर वचन के के लेई के दुनिया में बरत दिया लेखे दिसल।

यूहन्ना १:१२

मुदा, जे मन उके ग्रहण करलयँ, ऊ मन के ऊ परमेश्वर कर सन्तान होवेक कर अख्तियार देलक, अर्थात् ऊ मन के जे उकर नाम उपरे विश्वास राखेन।

२ कुरिन्थियों ६:१७, १८

सेकर से प्रभु कहेला कि उवकर बीच में से निकला आऊर अलग रहा; आऊर अशुद्ध चीज मन के न छुवा, तो मीयँ तोहरे के ग्रहण करमू, आऊर तोहर बाप होमू; आऊर तोहरे मीर बेटा आऊर बेटी मन होवा। ई सर्वशक्तिमान प्रभु परमेश्वर कर वचन हय।

दारु कर विषय परमेश्वर कर वचन (१५)

नीति वचन २३ : ३१, ३२

जखन दाखमधु ललका दिसेल, आऊर डुभनी में उकर सुन्दर रंग होवेल, आऊर जखन ऊ धार कर साथ ढालल जायेला, तखन उके न देखबे, काले कि ऊ अखिरी में साँप कर लेखे डँसेल, आऊर करैत लेखे काटेल ।

यशयाह ५ : ११

हाय ऊमन उपरे, जे बिहिनिया जल्दी उईठ के दारु पीयेक शुरु करेन, आऊर ढेर राईत तक दाखमधु पीते रहेन जखन तक कि ऊ मन के गरमी नी चईव जायेला ।

गलतियों ५ : १६ - २१

गतर कर काम तो परगट अहे, अर्थात् व्यभिचार, खराब काम, लुचपन, मूर्ति पूजा टोना, बैर, झगरा, ईर्ष्या क्रोध, विरोध फूट, विधरम, हिंसिगा, मतेक, भोग विलास, आऊर ईमन लेखे आऊर काम । ईमन कर बारे में मोंय तोहरे के आगे से कईह देवा थों, जईसन कि कईह भी चुईक हों कि अईसन अईसन काम करवईया मन परमेश्वर कर राईज कर वारिस नी होई सकवयँ ।

रोमियों १३ : १३, ४

जईसन दिन के सोभेल, उसने हे हमरे के सीधा चाल चलेक चाही, ना कि भोग विलास आऊर पियकडपन में, ना व्यभिचार आऊर लुचपन में, आऊर ना झगरा करेक आऊर हिंसिगा में, मुदा, प्रभु यीशु मसीह के पींव लेवा आऊर गतर कर अमिलाष मन के पूरा करेक कर उपाय न करा ।

(१६) सन हे सोब न लागे

मती २२:३७-३८

ऊ उकर से कहलक, तोयँ परमेश्वर आपन प्रभु से आपन गोटा मोन आऊर आपन गोटा जीव आऊर आपन गोठा बुईध केर साथ प्रेम राख । बोड़ आऊर खास हुकुम तो एहे हेके ।

नीति वचन १६:२५

अईसन हो डहर अहे, जे अदमी के सोझ दिसेल, मुदा उकर अंत में मरन हे मिलेला ।

मरकुस १०:१७-३२

आऊर जखन ऊ निकईच के डहर में जात रहे, तो एगो अदमी उकर ठिन कूदते-कूदते आलक, आऊर उकर आगे घटना टेईक के पुछलक, हे उत्तम गुरु, अनन्त जीवन पावेक लगिन मोयँ का करमू ? यीशु उके कहलक, तोयँ मोके उत्तम का ले कहिस ? केऊ उत्तम न लगे, केवल एके झन अर्थात् परमेश्वर । तोयँ हुकुम मन के तो जानिस, हत्या न कर, व्यभिचार न कर, चोरी न कर, झूठा गोवा न देव, छल न कर, आपन बाप आऊर आपन आयो कर इज्जत कर । ऊ उकर से कहलक, हे गुरु, ई सोब के तो मोयँ छोट हे से मानते आय हों । यीशु उके देईख के उकर से प्रेम करलक, आऊर उकर से कहलक, तोर में एगो घटो हय, जाव जे कुछ तोर हय, उके बेईच के गरीब मन के देई दे, आऊर तीके सरग में धन मिली, आऊर आय के मोर पीछे होई लेव । ई गोईठ के मुईन के उकर चेहरा में उदासी छाय गेलक, आऊर ऊ दुखी होई के चईल गेलक, काले कि ऊ इफराईन धनी रहे ।

धोखा न खावा

(१७)

याकूब १:२२

मुदा वचन कर अनुसार हिठेक वाला बना, आऊर केवल सुनेक वाला निही जे आपन आप के धोखा देवेना ।

१ कुरिन्थियों ६:६-१०

का तोहरे नी जानल कि अनीति करे वाला मन परमेश्वर कर राईज कर भागीदार नी होबयँ ? धोखा न खावा, न वेश्यागामी, न मूर्तिपूजक, न परस्त्रीगामी, न लुच्चा, न पुरुषगामी, न चोर न लोभी, न पियवकड़, न गईर देवेक वाला, न अंधेर करेक वाला मन परमेश्वर कर राईज कर भागीदार होबयँ ।

इफिसियों ५:६

केऊ तोहरे के सेथिया कर गोईठ मन से धोखा न देवोक; काले कि एहे सोब काम कर चड़े परमेश्वर कर खीस हुकुम नी मानेक वाला मन कर उपरे भड़केला ।

१ यूहन्ना ३:७, ८ अ

ए बालक मन केकरोही केर भरमाल में न आवा, जे धरम कर काम करेला, वोहे उकर तईर धरमी अहे । जे केऊ पाप करेला, ऊ शैतान दने से हय, काले कि शैतान शुहवे से पाप करत आय हे ।

गलतियों ६:३

काले कि जदि केऊ कोनो नी अहे, तेऊ आपन आप के कोनो समझेना, तो आपन आप के धोखा देवेला ।

(१८)

पाप से मृत्यु आवेला

लूका १५:३२

मुदा अब खुश आऊर मगन होवेक चाही, काले कि तोर ई भाई मोईर जाय रहे, फिन जी जाय हे, हेराल जाय रहे, अब मिईल जाय हे ।

नीति वचन ११ : १६

जे धरम में दृढ़ रहेला, से जीवन पायला, मुदा जे बुराई कर पीछा करेला, से मृत्यु कर काऊर होई जायला ।

रोमियों ५ : १२

सेकर से जईसन एक गो अदमी कर द्वारा पाप ई दुनिया में आलक, आऊर पाप कर द्वारा मृत्यु आलक, आऊर ई तईर से मृत्यु सोब अदमी मन में पसईर गेलेक काले कि सोभे पाप करलेंय ।

याकूब १:१५

तले, अभिलाषा गरम धारण कईर के पाप के जनम देवेला आऊर पाप जब बईढ़ जाएल तो मृत्यु के पैदा करेला ।

रोमियों ८ : ६

गतरे उपरे मन लगायेक तो मृत्यु अहे, मुदा आत्मा उपरे मन लगायेक जीवन आऊर शांति अहे ।

यहेजकेल १८ : २०

जे प्राणी पाप करी सेहे मारी, न तो बेटा बाप कर अधरम कर भार उठाई आऊर न बेटा बाप कर; धरमी के आपने हे धरम कर फर, आऊर दुष्ट के आपने हे दुष्टता कर फर मिली ।

यीशु मसीह मरण के जीललक (१६)

यूहन्ना ११:४३, ४४

ई कईह के ऊ बड़ जोर से बोलालक कि ऐ लाजर निकईल आव । जे मोईर जाय रहे, से कफन कापोड़ से हाथ गोड़ बंधले बंधल निकईल आलक । आऊर उकर मूह गमछा से डबल रहे । यीशु ऊ मन के कहलक, उके खोईल के जायेक देवा ।

प्रकाशित वाक्य १:१८

मोयँ मोईर जाय रहों, आऊर एखन देख, मोयँ जुगानजुग जीयत अहों; आउर मृत्यु आऊर रसातल कर कुंजी मन मोरे ठिन अहे ।

यूहन्ना १०:१७-१८

मोर से बाप इकरे से प्रेम राखेला कि मोयँ आपन जीव के देवाथों कि उके फिन लेई लेमू । केऊ उके मोर से नी लूटेल, मुदा मोयँ खुदे उके देवाथों । मोके उके देवेक कर हो अखितयार अहे आऊर उके फिर लेई घुरायेक कर हो अखितयार अहे; ई हुकुम मोके मोर बाप से मिईल हे ।

लका ७:१४, १५ अ

तले ऊ पासे आय के अर्थी के छुलक; आऊर उठायेक वाला मन हईक गेलयँ । तले ऊ कहलक; ए जवान मोयँ तोर से कहाथों उईठ जाव । तले ऊ मुरदा उईठ के बोईठ गेलक, आऊर गोठिया-येक लागलक ।

(२०) परमेश्वर कर हुकुम मन

व्यवस्था विवरण ५१७-१९

मोके छोईड के दूमर मन के परमेश्वर कईर के न मानबे । तोयँ आपन लगिन कोनो मूर्ति खोईद के न बनाबे, न केकरोहो रूप बनाबे जे आकाश में चाहे भुईं उपरे, चाहे भुईं कर पानी में अहे तोयँ ऊ मन के दण्डवत न करबे आऊर न ऊ मन कर पूजा करबे ... तोयँ आपन परमेश्वर यहोवा कर नाम सेथिया न लेबे, काले कि जे यहोवा कर नाम सेथिया लेवी, उके ऊ बेगर दोष कर नी गनी ।

तोयँ विश्राम दिन के माईन के पवितर रखबे, जईसन तोर परमेश्वर यहोवा तोके हुकुम देई हे । छव दिन तो मिहनत कईर के आपन सोब काम करबे, मुदा सतवाँ दिन तोर परमेश्वर यहोवा लगिन विश्राम दिन हेके ।

आपन बाप आऊर माय कर माईन करबे, जईसन कि तोर परमेश्वर यहोवा तोके हुकुम देई हे ।

तोयँ हत्या न करबे । तोयँ व्यभिचार न करबे । तोयँ चोरी न करबे । तोयँ केकरोहो कर विरुध झूठ गोवाह न देबे । तोयँ न दूसर कर जनी कर लोभ करबे, न दूसर कर घर कर लोभ करबे । न उकर खेत कर, न उकर धांगर कर, न उकर धांगरिन कर, न उकर गोह चाहे गदहा कर, न उकर आउर कोनो चीज कर लोभ करबे ।

तोयँ परमेश्वर से लुईक नी सकिसला (२१)

नीति वचन १५:३

यहोवा कर आँईख सोब ठिन लागल रहेला ।

लूका ८:१७

कोनो लुकल नखे, जे नी दिसी, आऊर कोनो छिपल नखे जे जानल नी जई आऊर परगट नी भेई ।

भजन संहिता १३६:८, १२

जदि मोयँ आकाश में चवमू तो उहाँ तोयँ अहिस । जदि मोयँ आपन डिसना रसातल में डिसामू तो उहाँ हो तोयँ अहिस । तेईयो अनधार तोर से नो लुकायेक पारी, राईत तो दिन लेखे ईंजोत देवी, काले कि तोर लगिन अन्धार आऊर ईंजोत दुईयो एके तईर अहयँ ।

अय्यूब ३४:२१-२२

काले कि ईश्वर कर आँईख अदमी कर चाल-चलन उपरे लागल रहेला । आऊर ऊ उकर सोब चाल के देखते रहेला । अईसन अन्धार चाहे कुलकुल अन्धार कहों नखे, जेकर में अनीति करेक वाला मन छिप सकेना ।

यिर्मयाह २३:२४

आऊर यहोवा कर ई वाणी हय, का केऊअईसन छिपल जगह में लुईक सकेला कि उके मोयँ नी देईख सकमू ? का सरग आऊर पृथ्वी दुईयो मोर से मरल नखयँ ?

(२२) पापी मनक जुग-जुग कर सजई

२ पतरस ३:७

मुदा ई परिया कर आकाश आऊर पृथ्वी ओहे वचन कर द्वारा ई लगिन राखल जाय हयँ कि वराल जाबयँ, आऊर ऊ भकतीहीन अदमी मन कर विचार आऊर नाश होवेक कर दिन तक इसनेहे राखल रहबयँ ।

भजन संहिता ६:१७

दुष्ट मन पाताल में घुईर जाबयँ, आऊर ऊ सोब जाईत मन हो, जे परमेश्वर के भूलाय जायेना ।

मत्ती १३:४१-४२

अदमी कर बेटा आपन सरगदूत मन के भेजी, आऊर ऊ मन उकर राईज में सोब ठेसायेक कर कारण मन के आऊर कुकरम करेक वाला मन के ठुराबयँ, आऊर ऊ मन के अगिन कुण्ड में डार्ईल देबयँ, ऊहां काण्डेक आऊर दाँत चाबेक होई ।

मत्ती २५:४७

आऊर ई मन जुग-जुग लगिन कलपबयँ, मुदा धरमी मन जुग-जुग कर जीवन में दुकबयँ ।

मत्ती १५:८

अगर तोर हाथ चाहे गोड़ तोके ठेसाई, तो उके कार्ट के फेईक दे टुण्डा चाहे लंगड़ा भेई के जीवन में ठूकेक तोर लगिन इकर से बेस अहे कि दुई हाथ चाहे दुई गोड़ कर रहते, तोयँ जुग-जुग कर अगिन कुण्ड में डालल जावे ।

इब्रानियों ६:२७

आऊर जईसन अदमी मन कर लगिन एक छोर मोरेक आऊर उकर पाछे महाविचार ठहराल जाय हे ।

प्रेरितों १७:३१

काले कि ऊ एक दिन ठहराय हे, जेकर में ऊ, ऊ अदमी कर द्वारा धरम से दुनिया कर विचार करी, जेके ऊ ठहराय हे, आऊर उके मोरल मन से जियाय के ई गोईठ सोब कर उपरे प्रमाणित कईर देई हे ।

रोमियों १४:१२

से लई हमरे सोब के एक - एक कईर के आपन आपन लेखा देवेक लागी ।

१ यूहन्ना ४:१७

इकरे से प्रेम हमरे में सिद्ध भेलक कि महाविचार कर दिन मे हमरे के हियाव मिली, काले कि जईसन ऊ हय, ऊसनेहे दुनिया में हमरे हो अही ।

२ कुरिन्थियों ५:१०

काले कि जरूरी अहे कि हमरे सोब कर हाल मसीह कर विचार आसन कर आगे खुईल जई, जेकर से कि प्रत्येक अदमी आपन बेस चाहे बेकार काम कर बदला, जे ऊ आपन गतर कर द्वारा कईर होई, पावी ।

२ पतरस २:६

तो प्रभु भगत मन के परीक्षा में से निकसायेक आऊर पापी मन के महाविचार कर दिन तक सजई कर दशा में राखेख हो जानेला ।

(२४) यीशु मसीह कर अनुग्रह

रोमियों ५:१५

मुदा जईसन पाप कर दशा हय, उसन अनुग्रह कर वरदान कर निही, काले कि जखन एक अदमी कर पाप से ढेईर सन अदमी मोरलयँ तो परमेश्वर कर अनुग्रह आऊर उकर जे दान एक अदमी कर अर्थात् यीशु मसीह कर अनुग्रह से भेलक, ढेईर सन अदमी मन उपरे जरुड़ ढेईर सन भेलक ।

२ कुरिन्थियों ६:१५

परमेश्वर के उकर ऊ धान लगिन, जे बयान से बाहर अहे, जोहार ।

१ पतरस ५:५ अ

काले कि परमेश्वर घमण्डी मन कर सामना करेल, मुदा दीन मन उपरे अनुग्रह करेला ।

२ कुरिन्थियों ८:६

तोहरे हमर प्रभु यीशु मसीह कर अनुग्रह के जानल कि ऊ धनी होईके ही तोहरे मन लगिन कगाल होई गेलक, जेकर से कि उकर कंगाल होवेक से तोहरे धनी होई जावा ।

प्रेरितों ४:३३

आऊर प्रेरित मन बड़ सामर्थ से प्रभु यीशु कर जी उठेक कर गोवाह देते रहलयँ, आऊर ऊ मन उपरे बड़ अनुग्रह रहे ।

यहेजकेल १८:३१

आपन सोब पाप के, जे तोहरे कईर हा, दूर करा, आपन मन आपन मन आऊर आपन आत्मा के बदर्ईल देवा । हे इस्त्राएल कर घराना तोहरे काले मोरबा ?

मत्ती ३:२

मन किरावा, काले कि सरग राईज नजीक आय जाय हे ।

२ कुरिन्थियों ७:१०

काले कि परमेश्वर भक्ति कर शोक अईसन पश्चाताप उत्पन्न करेला, जेकर फर उद्धार अहे भाउर उकर से फिर पछतायेक नी पड़ेल, मुदा दुनिया कर दुःख मृत्यु के उत्पन्न करेला ।

प्रेरितों ३:१६

से लाई मन फिरावा, आऊर घुईर आवा, कि तोहर पाप मिटाल जाई, जेकर से प्रभु कर उपस्थिति से शांति कर दिन आवी ।

प्रेरित १७:३०

से लगिन परमेश्वर हमर अज्ञानता में करल काम मन के ध्यान नी देई के, अब सोब ठिन सोब अदमी मन के मन फिरायेक कर हुकुम देवेला ।

लूका १३:३

मोयँ तोहरे से कहोन कि निही, मुदा जदि तोहरे मन नी किराबा तो तोहरे मन हो एहे तईर से नाश होबा ।

(२६) पाप मन से क्षमा

यशायाह ५५:७

दुष्ट आपन चाल-चलन आऊर अनर्थकारी आपन सोच विचार के छोईड़ के यहोवा हे देने फिरोक, ऊउकर उपरे दया करी, ऊ हमर परमेश्वर देने फिरोक, आऊर ऊ उके पूरा तईर से क्षमा करी ।

प्रेरितों ५:३१

उकेहे परमेश्वर प्रभु आऊर उद्धारक ठहरायके आपन भत-खईया हाथ से सोब कर से ऊपरे उठालक कि ऊ इस्त्राईली मन के मन फिरायेक कर शवित आऊर पाप मन कर क्षमा देवी ।

प्रकाशित वाक्य ३:२०

देख, मोयँ दुरा में ठढ़ाय के टोकटोकाथों, जदि केऊ मोर शबद के सुईन के दुरा खोली, होल मोयँ उकर ठिन भीतरे आय के उकर साथे भोजन करमू आऊर ऊ मोर साथ ।

मत्ती ६:१४

से लगिन जदि तोहरे अदमी कर पाप के क्षमा करवा, होल तोहर स्वर्गीय बाप हो तोहरे के क्षमा करी ।

यहेजकेल १८:२१

मुदा जदि दुष्ट अदमी आपन सोब पाप से फिईर कईर के मोर सोब विधि - विधान कर पालन करी, तो ऊ नी मोरी, लेकिन जीयत हे रही ।

मरकुस २:५

यीशु ऊ मन कर विश्वास देईख के ऊ झोला कर मारल से कहलक, ए बेटा, तौर पाप क्षमा भेलक ।

दुनियादारी से अलगवाव

(२७)

कुलुस्सियों ३:२

दुनिया कर निही, मुदा स्वर्गीय चीज मन ऊपरे ध्यान लगावा ।

तीतुस २:११, १२

काले कि परमेश्वर कर ऊ अनुग्रह परगट अहे, जे सोब अदमी मन कर उद्धार कर कारण अहे. आऊर हमरे के चितायेला कि हमरे अभक्ति आऊर दुनियादारी कर अभिलाषा से मम फिराय के ई दुनिया में संयम आऊर भक्ति कर साथ जीवन बिताव ।

यशायाह १:१६

आपन आप के धोई के पवितर करा, मोर आँईख कर आगे से आपन खराब काम मन के दूर करा, आवेक वाला दिन में बुराई करेक छोईड़ देवा ।

१ यूहन्ना २:१५, १६

तोहरे ना तो दुनिया से आऊर ना दुनिया कर चीज मन से प्रेम करा; जदि केऊ दुनिया से प्रेम करेला तो उकर में बाप कर प्रेम नखे । काले कि जे कुछ दुनिया में हय, अर्थात - गतर कर अभिलाष. आँईख कर अभिलाष आऊर जीविका कर घमण्ड ई सोब बाप देने से ना लागे, मुदा दुनिया देने से हे अहे ।

इफिसियों ५:११

आऊर अधार कर निष्फल काम मन में भाग न लेवा, मुदा ऊ मन के दुरदुरावा ।

(२८)

नवा — जनम

यहेजकेल ३६:२६

मोयँ तोहरे के नवा मोन देमू, आऊर तोहर भीतरे नवा आत्मा सिरजमू, आऊर तोहर गतर में से पखना कर हृदय के निकसाय के माँस कर हृदय देमू ।

यूहन्ना ३:३

यीशु उके कहलक, कि मोयँ तोर से सत-सत कहाथों कि जदि केऊ नवा - जनम नी पावी तो परमेश्वर कर राईज देईख नी सकेला ।

२ कुरिन्थियों ५:१७

से लगिन जदि केऊ मसीह में अहे तो ऊ नवा सृष्टि हेके: पुरना गोईठ मन वीत गेलक, देखा ऊ सोब नवा होई जाय हे ।

१ यूहन्ना २:२६

जदि तोहरे जानल कि ऊ धरमी अहे, तो ई हो जानल कि जे केऊ धरम कर काम करेला, ऊ उकर से जनईम हे ।

१ पतरस १:२३

काले कि तोहरे नाश होवेक वाला निहीं मुदा नी नाश होवेक वाला बीजा से, जे परमेश्वर कर जीयत आऊर जुग - जुग ठहरेक वाला वचन हेके, नवा जनम पाय हा ।

१ यूहन्ना ५:१८

हमरे जानिल कि जे केऊ परमेश्वर से जनईम हे, से पाप नी करेला, मुदा जे परमेश्वर से जनईम हे, उके ऊ बचाय के राखेला आऊर ऊ दुष्ट उके छुवेक नी पारेला ।

पाप लगिन मोईर के मसीह में जी उठेक (२६)

इफिसियों २:१, ६

आऊर ऊ तोहरे के हो जियालक, जे आपन पाप आऊर बुराई में मोरल रहा । आऊर मसीह यीशु में उकर साथ उठालक आऊर सरग राईज में उकर साथ बैठालक ।

कुलुस्सियों ३:१

से लगिन तोहरे मसीह कर साथ जियावल गेला तो स्वर्गीय चीज मन कर खोज में रहा, जेहाँ मसीह विराजमान अहे, आऊर परमेश्वर कर भतखईया हाथ देने बईठल अहे ।

१ पतरस २:२४

ऊ खद हमरे कर पाप के आपन गतर में लेई कईर के कूस में चईघ गेलक, जेकर से हमरे पाप लगिन मोईर के धरम लगिन जीवन बिताब, उकरेहे माऊर खायेक से तोहरे बेस होला ।

रोमियों ६:२, ११

एकदम निहीं, हमरे जब पाप लगिन मोईर गेली तो फिन आगे उकर में काले जीवन बिताब ? इसनेहे तोहरे भी आपन के पाप लगिन तो मोरल, मुदा परमेश्वर लगिन मसीह यीशु में जीयत समझा ।

(३०) जुग—जुग कर जीवन

यूहन्ना ३:१४, १५

आऊर जईसन मूसा जंगल में साँप के उपरे चघालक, उसनेहे जहरी आहे कि अदमी कर बेटा हो उपरे चघाल जई, जे कि जे केऊ विश्वास करि, उकर में अनन्त जीवन पाई ।

रोमियो ६:२३

काले कि पाप कर सजई तो मरन हेके, मगुर परमेश्वर कर वरदान हमर प्रभु मसीह यीशु में अनन्त जीवन हेके ।

यूहन्ना १७:३

आऊर अनन्त जीवन ई हेके, कि ऊ मन तोके जे एके ठो सत परमेश्वर हेकीस, आऊर यीशु मसीह के, जेके तोयँ भेईज हीस, जानबयँ ।

यूहन्ना ३:३६

जे बेटा उपरे विश्वास करेला, अनन्त जीवन उकर हेके; मगुर जे बेटा कर गोईठ के नी मानेल, ऊ जीवन के नी देखी, मुदा परमेश्वर कर खोस उकर उपरे रहेला ।

गलतियों ६:५

काले कि जे आपन गतर लगिन बुना बुनेल से गतर कर द्वारा विनाश कर कटनी काटी; आऊर जे आत्मा लगिन बुना बुनेल से आत्मा कर द्वारा अनन्त जीवन कर कटनी काटी ।

यूहन्ना ५:२४

मोयँ तोहरे से सत-सत कहोना, जे मोर वचन के सुईन के मोके भेजेक वाला उपरे विश्वास करेला, अनन्त जीवन उकर अहे, आऊर उकर उपरे सजई कर हुकुम नो होवेला, मुदा ऊ मरन के लाईध के जीवन में दूईक चुईक हे ।

ऊऊर कर निश्चय

(३१)

यशायाह ३२:१७

आऊर धरम कर फर शान्ति आऊर उकर अंत हमेशा कर चैन आऊर निश्चित रहेक होई ।

रोमियों ८:१६

आत्मा खुदे हमर आत्मा सथे गोवाह देवेला कि हमरे परमेश्वर कर बेटा-बेटी हेकी ।

१ यूहन्ना ३:१८, १९

हे छऊवा मन, हमरे बोली आऊर वचन से हे निही, मुदा काम आऊर उदम से भी सत मन से प्रेम करब । ईकरे से हमरे जानब कि हमरे सत कर हेकी, आऊर जे गोईठ में हमरे आपन के दोषी पाईला, उकर में हमरे उकर आगे आपन आपन मन के शान्ति देई सकब ।

१ यूहन्ना ४:१३

इकरे से हमरे जानिल कि हमरे उकर में बनल रहिला आऊर ऊ हमरे में, काले कि ऊ आपन आत्मा मे से हमरे के देई हे ।

यूहन्ना १४:२१

जेकर ठिन मोर आज्ञा हय । आऊर ऊ ऊमन के मानेला, वो हे मोर से प्रेम राखेला, आऊर जे मोर से प्रेम राखेला, उकर से मोर बाप हो प्रेम राखी, आऊर मोयँ उकर से प्रेम राखमू, आऊर आपन आपके उकर उपरे परगट करमू ।

गलतियों ४:६

आऊर तोहरे, जे बेटा - बेटी हेका, इकरे से परमेश्वर आपन बेटा कर आत्मा, जे ए - अब्बा, ए वा कईह के पुकरायला हमर हृदय में भेईज देई हे ।

(३२) परमेश्वर हमरे कर भीलखे रईह के
हमरे के खुशी देवेला

यूहन्ना १७:१३

मुदा अब मोयँ तोर ठिन आवा थों, आऊर ई गोईठ मन के दुनिया में कहाथों जे कि ऊ मन मोर खुशी आपन में पूरा पाबयँ ।

रोमियों १४:१७

काले कि परमेश्वर कर राईज खायेक - पियेक न लागे, मुदा धरम आऊर मिलाप आऊर ऊ आनन्द हेके जे पवितर आत्मा से होवेला ।

गलतियों २:२०

मोयँ मसीह कर साथ कूस में चघाल जा हों, आऊर अब मोयँ जियत नखों, मुदा मसीह मोर में जियत अहे, आऊर मोयँ गतर में अब जे जियत अहों तो केवल ऊ विश्वास से जीयत अहों, जे परमेश्वर कर बेटा उपरे अहे, जे मोके प्रेम करलक आऊर मोर लगिन आपन आप के देई देलक ।

भजन संहिता १६:१०

तोयँ मोके जोवन कर डहर दिखावे; तोर ठिन आनन्द कर भरपूरी अहे, तोर भतखईया हाथ में सुब सोब समय बनल रहेला ।

यशायाह १२:३

तोहरे खुशी कर साथ उद्धार कर सोता मन से पानी भरबा ।

यूहन्ना १५:११

मोयँ ई गोईठ मन के तोहरे से ई लगिन कहलों कि मोर आनन्द तोहरे में बतल रही आऊर तोहर आनन्द पूरा भेई जई ।

प्रभु कर हुकुम मानेक जरूरी अहे (३३)

१ शमुएल १२:१५

मुदा तोहरे अगुर यहोवा कर गोईठ के नी मानवा, आऊर यहोवा कर हुकुम के भुलाय के उकर से फिईर जावा, तो यहोवा कर हाथ जईसन तोहर पुरखा मन कर विरोध में उठलक, उसनेहे तोहर विरोध में हो उठो ।

रोमियों ६:१६

का तोहरे नी जानल कि जे कर गोईठ मानेक लगिन तोहरे आपन आप के धांगर लेखे सोईप देवाला, उकरेहे धांगर हेका । आऊर जेकर मानल चाहे पाप कर जेकर अन्त मरण हय, चाहे आज्ञा मानेक कर जेकर अन्त धरमी ठहरेक हय ।

२ थिम्लुनीकियों १:७-६

आऊर तोहरे मन के, जे दुःख भोगाला हमरे कर साथ चैन देवी, ऊ समय जखन प्रभु यीशु आपन सामर्थी दूत मन कर साथ धधकतक आईग में सरग से परगट मेई । आऊर जे मन परमेश्वर के नी चिन्हेन, आऊर हमरे कर प्रभु यीशु कर सुसमाचार के नी मानेन ऊ मन से पलटा लेवी । ऊ मन प्रभु कर आगे से आऊर उकर शक्ति कर तेज से दूर होई के अनन्त विनाश कर दण्ड पावयँ ।

व्यवस्था विवरण ११:२६-२८ अ

सुना, मोयँ आईज कर दिन तोहर आगे आशीष आउर सराप दुईयो राईख देवाथों । अर्थात् यदि तोहरे आपन परमेश्वर यहोवा कर ई हुकुम मन के, जे मोयँ आईज तोहरे मन के सुनाथों, मानवा, तो तोहरे आशीष पावा, आऊर यदि तोहरे आपन परमेश्वर कर हुकुम मन के नी मानवा, तो तांहरे सरपाय होवा ।

(३४) यीशु मसीह के माईन लेवेक जरूरी अहे
फिलिप्पियों २:११

आऊर परमेश्वर बाप कर महिमा लगिन सोब केऊ के आपन जीम से माईन लेवक चाही कि यीशु मसीह प्रभु हेके ।

मती १०:३२, ३३

जे केऊ अदमी मन कर आगे मोके माईन लेवी, उके मोहरों आपन स्वर्गीय बाप कर आगे माईन लेमू । मगुर जे केऊ अदमी मन कर आगे मोर इन्कार करी, उके मोहों आपन स्वर्गीय बाप कर आगे इन्कार करमू ।

रोमियों १०:६, १०

कि जदि तोयँ आपन मू से यीशु के प्रभु जाईन के माईन लेबे आऊर आपन मन से विश्वास करबे कि परमेश्वर उके मोरल मन से जियालक, तो तोयँ निश्चय उद्धार पाबे । काले कि धरमी ठहरेक लगिन मन से विश्वास करल जायला आऊर उद्धार पावेक लगिन मू से माईन लेवल जायला ।

१ यूहन्ना २:२३

जे केऊ बेटा कर इन्कार करेला, उकर ठिन बाप हो नखे । जे बेटा के माईन लेवेला, उकर ठिन बाप हो अहे ।

लूका ६:२६

जे केऊ मोर से आऊर मोर गोईठ मन से लजाई; अदमी कर बेटा हो जखन आपन आऊर आपन बाप कर, आऊर पवितर सरगदून मन कर महिमा सथे आवी, तो उकर से लजाई ।

शैतान — हमर बैरी

(३५)

मती ४:१, १०, ११

उकर बाद ऊ समय आत्मा यीशु के जंगल में लेई गेलक जेकर से कि इबलीस से उकर परीक्षा होक । तले यीशु उकर से कहलक, हे शैतान दूर होई जाव, काले कि लिखल हय कि तोयँ प्रम आपन परमेश्वर के हे गोड़ लाग, आऊर केवल उकरेहे पूजा करबे । तले शैतान उकर ठिन से चईल गेलक; आऊर देखा सरगदूत मन आय कईर के उकर सेवा करेक लागलयँ ।

२ थिस्सलुनीकियों २:६

ऊ अवरमी कर आवेक शैतान कर काम कर अनुसार सोब रकम कर झूठा शक्ति आऊर विनहा आऊर अद्भुत काम कर साथ होवी ।

प्रेरितों २६:१८

कि तोयँ उनकर आँईख खोलबे जेकर से कि ऊ मन अंद्वार से ईंजोत बटे आऊर शैतान कर अखितयार से परमेश्वर दने घुरबयँ जेकर से पाप कर क्षमा, आऊर ऊ अदमीं मन कर संग, जे मोर उपरे विश्वास करल से पवितर करल जा हयँ भाग पाबयँ ।

१ पतरस ५:८

सावधान रहा आऊर जागते रहा, काले कि तोहर विरोधी शैतान गजक वाला बाध तईर ई खोज में रहेला कि केके फाईड़ खाई ।

इफिसियों ६:११

परमेश्वर कर सोब हयियार बाँईध लेवा, जेकर से कि तोहरे शैतान कर सोब युक्ति कर आगे ठढ़ायेक सकबा ।

(३६)

शैतान के जीलेक

२ थिस्सलुनीकियों २:८

तले ऊ अधरमी परगट भेई, जेके प्रभू यीशु आपन मू कर फुंइक से माईर डाली आऊर आपन आगमन कर तेज से भसम करी ।

याकूब ४:७, ८

सेकर से परमेश्वर कर अवीन होई जावा; आऊर शैतान कर मुकाबला करा, तो ऊ तोहर ठिन से माईग निकसी । परमेश्वर कर नजीक आवा तो ऊ भी तोहर नजीक आवी ।

१ यूहन्ना ३:८

जे केऊ पाप करेला, से शैतान देने से हय, काले कि शैतान शुरु हे से पाप करते आय हे, परमेश्वर कर बेटा ई लगिन परगट भेलक कि शैतान कर काम मन के नाश करी ।

रोमियों ८:३५ आऊर ३७

के हमरे के मसीह कर प्रेम से जुदा करी ? का क्लेश, संकट, का उपद्रव, का अकाल, का नंगाई, का जोविम, का तलवार ? .. मुदा ई सोब गोईठ में हमरे उकर द्वारा जे हमरे से प्रेम करलक, जयवन्त से हो बईठ के अही ।

इब्रानियों २ : १४

इकर से जखन बेटा मन गोश और लोहू कर भागीदार अहँय तो ऊ खुद हो ऊ मनक संगे भागीदार होई गेलक; जेकर से मरन कर द्वारा, उके जेके मरन उपरे शक्ति मिईल रहे, अर्थात्- शैतान के बेकमवा कईर देई ।

१ यूहन्ता ४:२०

जदि केऊ कही, कि मोयँ परमेश्वर से प्रेम राखोना आऊर आपन भाई से बैर राखी, तो ऊ झूठा अहे: काले कि जे आपन भाई के, जेके ऊ देखेव हे, प्रेम नी राखेला ; तो ऊ परमेश्वर के हो, जेके ऊ नी देखेव हे, प्रेम नी देखे सकेला ।

गलतियों ५:२२,२३ अ

मुदा आत्मा कर फर प्रेम, आनन्द, मेल धीरज कृपा, भलाई विश्वास, नम्रता आऊर संयम हेके ।

यूहन्ता १३:३५

जदि तोहरे एक दूसर से प्रेम रखबा, तो इकरेहे से सोब जान-बयँ कि तोहरे मोर चेला मन हेका ।

यूहन्ता २१:१६

तले ऊ दूसर धाँव उकर से कहलक, हे शिमौन यूहन्ता कर बेटा, का तोयँ नोके प्रेम करिसला ? ऊ उकर से कहलक - हाँ गोमके, तोयँ जानिसला कि मोयँ तोके प्रेम करोना: ऊ उके कहलक, मोर भेड़ी मन कर रखवाली कर ।

१ कुग्निथियों १३:१

जदि मोयँ अइमी मन कर आऊर सरगदूत मन कर बोली बोलमू आऊर प्रेम नी राखमू, तो मोयँ ठन - ठन करेक वाला पीतल आऊर झन-झन करेक वाला झांझ हेकों ।

१ यूहन्ता ३:१४

हमरे जानिल, कि हमरे मरन से पार होईके जीवन में पहुँईव ही; काले कि हमर भाई मन से प्रेम राखिला । जे प्रेम नी राखेल, ऊ मरन कर दशा में रहेला ।

(३८) नसीह कर जी उठेक

प्रेरितों २०:३६-४१

आउर हमरे ऊ सोब काम मन कर गोवाह हेकी, जे ऊ यहूदिया कर देश आऊर यरुशलेम में हो करलक, आऊर ऊ मन उके काठ कर उपरे लटकाय के मोराय देलयँ । उके परमेश्वर तीसर दिन में जियालक, आऊर परगट भी कईर देलक । सोब अदमी के निही, मुदा ऊ गोवाह मन के, जे मन के परमेश्वर आगे हे ले चुईन लेई रहे, अर्थात्- हमरे के, जे मन कि उकर मोरल मन से जी उठेक कर पाछे उकर सथे खाली-पीली ।

रोमियों ४:२५

ऊ हमर अपराध लगिन धराल गेलक, आऊर हमर धरमी ठहरेक लगिन जियाल भी गेलक ।

यूहन्ना २०:२६-२८

आठ दिन बाद उकर चेला मन फिर घर भीतरे रहयँ, आऊर थोमा ऊ मन कर साथे रहे, आऊर दुरा ढाँपल रहे । तले, यीशु आलक आऊर बीच में ठढ़ाय के कहलक, तोहरे मन के शांति मिलोक । तले ऊ थोमा से कहलक, आपन ऊंगरी इहाँ लाईन के मोर हाथ मन के देख, आऊर आपन हाथ लाईन के मोर पांजर में घुसाव, आऊर अविश्वासी निहीं मुदा विश्वासी होव । ई सुईन के थोमा उत्तर देलक, ए मोर गोमके, ए मोर परमेश्वर !

मरकुस १६:६

हफता कर पहला दिन में, बिहान होवत-होवत, ऊ जी उईठ के सोवले आगे परिषद मादलीनी के, जेकर से ऊ सात गो दुष्ट-आत्मा के निकसाय रहे, दिसलक ।

जी उठेक-हमर महिमा से भरल आशा (३६)

रोमियों ६:३-५

का तोहरे नो जानल कि हमरे जतना मन मसीह यीशु कर बपतिस्मा लेली तो उकर मरन कर बपतिस्मा लेली ? सेकर से ऊ मरन कर बपतिस्मा पाल से हमरे उकर साथ गाड़ल गेली, जेकर से कि जईसन मसीह बाप कर महिमा से मोरल मन से जियाल गेलक, उसनेहे हमरे हो नवा जीवन पाय ही से लेखे जीवन बिताब । काले कि जदि हमरे उकर मरन कर बराबईर में उकर संगे जुईट जाय ही, तो जरूर उकर जी उठेक कर बराबईर में हो जुईट जाब ।

मती १६:२१

ऊ समय ले यीशु आपन चेला मन के बतायेक लागलक, कि मोके जहरी हय कि यहशलेम के जामू, आऊर पुरनिया मन, महा-याजक मन आऊर शास्त्रीमन कर हाथ से ढेर दुःख उठामू; आऊर मोराल जामू आऊर तीसर दिन में जी उठमू ।

यूहन्ना ५:२५, २६, २६

मोयँ तोहर से सत सत कहायों, ऊ समय आवो थे, आऊर एखन आहे जेकर में मोरल मन परमेश्वर कर बेटा कर शबद सुनबयँ, आऊर जे मन सुनबयँ ऊ मन जीबयँ इकर से अचम्भा न करा, काले कि ऊ समय आवो थे, कि जतना मन कबर में अहयँ, उकर शबद सुईन के निकसबयँ; जे मन भलाई कईर हयँ, से मन जीवन लगिन जी उठबयँ, आऊर जे मन बुराई कईर हयँ, से मन सजई लगिन जी उठबयँ ।

(४०) प्रभु लगिन पवित्र होवेक

लूका १:७४-७५

कि ऊ हमरे के ई देवी, कि हमरे आपन बैरी मन कर हाथ से छुईट कईर के उकर आगे पवितरता आऊर धार्मिकता कर साथ जीवन मईर निडर रईह के उकर सेवा करत रहब ।

२ कुरिन्थियों ७:१

से लगिन, हे प्यारा मन जब कि ई प्रतिज्ञा मन हमरे के मिईल हे, तो आवा, हमरे आपन आपके गतर आऊर आत्मा कर सोब मलिनता से शुद्ध करब आऊर परमेश्वर कर डर राईव के पवितर होवब ।

२ तोमुथियुस २:२१

यदि केऊ आपन आपके ई मन से शुद्ध करि तो ऊ आदर कर बरतन आऊर पवितर ठहरी, आऊर मालिक कर काम आवी, आऊर सोब बेस काम लगिन तैयार रही ।

१ पतरस १:२

आऊर परमेश्वर बाप कर मविष्य ज्ञान अनुसार आत्मा कर पवितर करेक कर द्वारा, आज्ञा मानेक आऊर यीशु मसीह कर लोह कर छिड़कल जायेक लगिन चुनल जाय ही ।

१ पतरस १:१५

मुदा जईतत तोहर बुलायेक वाला पवितर हय, उसने हे तोहरे हो आपन सोब चाल - चलन में पवितर होवा ।

प्रभु लग्न पवितरता (४१)

यशायाह ३५:६

आऊर उहाँ एगो डहर अर्थात् राजमार्ग होवी, उकर नाम पवितर मार्ग होवी, केऊ अशुद्ध अदमी उकर उपरे से हिठेक नी पारी, ऊ तो वोहे मन लग्न रही, आऊर ऊ डहर में जे मन हिठ-बयँ, ऊमन चाहे बोका हो रहबयँ, सेकरोमें कभी नी भटकबयँ ।

१ यूहन्ना १:६

जदि हमरे आपन पाप के माईन लेवब, तो ऊ हमरे कर पाप के क्षमा करेक आऊर हमरे के सोब अधरम से शुद्ध करेक में विश्वास-जोग आऊर धरमी हेके ।

मती ३:११

मोयँ तो पानी से तोहरे मन के मन फिराव कर बपतिस्मा देवा थों, मुदा जे मोर पाछे आवेक वाला अहे, ऊ मोर से शक्तिशाली अहे, मोयँ उकर जता उठायेक कर लायक नखों, ऊ तोहरे मन के पवितर आत्मा आऊर आईग से बपतिस्मा देवी ।

इफिसियों १:४

जईसन ऊ हमरे के दुनिया कर उत्पति से आगे हे ले उकर में चुईन लेलक, कि हमरे उकर ठिन प्रेम में पवितर आऊर निरदोष होवब ।

इब्रानियों ३:१२

एहे लग्न यीशु हो अदमी मन के आपन हे लोहू से पवितर करेक लग्न फाटक कर बाहरे दुःख उठालक ।

(४२) आत्मा से भरपूर अद्विती

प्रेरितों १३:५२

आऊर चेला मन आनन्द आऊर पवितर आत्मा से भरते रहलयँ

रोमियों ५:६

मगुर जखन परमेश्वर कर आत्मा तोहर में रहेला तो तोहरे शारीरिक दशा में नखा, मुदा आत्मिक दशा में अहा। यदि केकरो-हो में मसीह कर आत्मा नखे, तो ऊ उकर जन ना लगे ।

लूका ११:१३

सेकर से जखन तोहरे मन खराब होई के आपन छुडवा मन के बेस-बेस चीज मन देवेक जानल, तो स्वर्गीय बाप आपन मांगेक वाला मन के पवितर आत्मा काले नी देवी ।

यहेजकेल ३६:२७

आऊर मोयँ आपन आत्मा तोहर मीतरे देईके अईसन करमू कि तोहरे मोर विधि उपरे चल्बा आऊर मोर नियम मन के माईन के उकार अनुसार करबा ।

प्रेरितों १:८ अ

मगुर जखन पवितर आत्मा तोहर उपरे आवी, तो तोहरे बल पावा आऊर मोर गोवाह होबा ।

प्रेरितों ४:३१

जखन ऊ मन बिनती कईर चुकलयँ, तो ऊ जगह जेहाँ ऊ मन जमा होई रहयँ हिईल गेलक, आऊर ऊ मन सोब पवितर आत्मा से भईर गेलयँ आऊर परमेश्वर कर वचन हियाव से सुनाते रहलयँ।

मसीही मन लगिन महान प्रलिज्ञा (४३)

भजन संहिता ३४:१८

यहोवा टूटल मन वाला मन कर नजीक रहेल , आऊर पिसल मन वाला मन कर उद्धार करेला ।

यशायाह ६६:२

यहोवा कर ई वाणी हय, ई सोब चीज मोरे हाथ से बनाल जाहे से लगिन ई सोब मोरे हेके । मगुर मोयें उकरे ऊपर ध्यान करमू जे दीन आऊर दुःखी मन कर हय, आऊर मोर वचन सुईन के थरथरायेना ।

प्रकाशित वाक्य २१:४

आऊर उ उनकर आईख से सोब लोरपानी पोईछ देवी, आऊर इकर पाछे मरन नी होवी, आऊर न शोक, न विलाप, न पीड़ा रही; आगे कर सोब गोईठ जात रही ।

१ पतरस ४:१२,१३

हे प्रिय मन, जे दुःख कर आईग तोहरे के परखेक लगिन तोहरे में भड़ईक हे, इकर से ई समईज्ञ के अचम्भा न करा कि कोनो अनोखा बात तोहरे ऊपरे गुजरथे मगुर जईसर-जईसन मसीह कर दुःख में सहभागी होवाला, आनन्द करा, जेकर से उकर महिमा कर परगट होबेक बेरा हो तोहरे आनन्दित आऊर मगन होई सकवा ।

भजन संहिता ३६:३

यहोवा उपरे भरोसा राखबे आऊर भला करबे; देश में बसल रहबे आऊर सत उपरे मन के लगाय रहबे ।

(४४) परीक्षा में पड़ल मन लगिन प्रतिज्ञा

इब्रानियों २:१८

काले कि ऊ जखन परीक्षा कर बेरा में दुःख उठालक, तो ऊ उनकर ही मदईत कईर सकेला जे मनकर परीक्षा होबेला ।

रोमियों १६:२०

शान्ति कर परमेश्वर शैतान के तोहर गोड़ से जल्दी कुचलवाय देवी ।

भजन संहिता ३४:१६

धरसी कर उपरे ढेर सन आफईत तो आवेला, मुदा यहोवा उके ऊ सोब से छोड़ायला ।

यशायाह ४३:२

जखन तोयँ पानी में होई के जाबे, मोयँ तोर संगे-संगे रहमू आऊर जखन तोपँ नदी मन में होईके हिठबे, तखन ऊ मन तोके डूबाय नी सकवयँ ; जखन तोयँ आईग में हिठबे तखन तोके भांच नी लागी आऊर उकर ली तोके बराय नी सकी ।

रोमियों ८:२६

आऊर हमरे जानिल, कि जे मन परमेश्वर से प्रेम राखेन, ऊ मन लई सोब गोईठ मिईल के भलाई हे के उत्पन्न करेला, अर्थात् ओहे मन लई जे उकर इच्छा लेखे बुलावल जाय हयँ ।

१ कुरिन्थियों १०:१३

तोहरे कोनो अईसन परीक्षा में नी पईड़ हा, जे अदमी कर सहेक से बाहर अहे । आऊर परमेश्वर सच्चा अहे, ऊ तोहरे के शक्ति से बाहर परीक्षा में पड़क नी देवी, मुदा, परीक्षा कर साथ निकास भी करी, कि तोहरे मईह सकबा ।

जीतेक वाला मन लगिन प्रलिज्ञा (४५)

प्रकाशित वाक्य ३:५

जे जीती, ऊके एहे लेखे, सफेद लुगा पिधाल जाई, आऊर मोयं उकर नाम जीवन कर किताब में से कोनो लेखे नी काटमु, मुदा उकर नाम आपन बाप आऊर उकर स्वर्गदूत मनकर आगे माईन लेमू ।

प्रकाशित वाक्य ३:१२

जे जीती, उके मोयं आपन परमेश्वर कर मन्दिर में एक गो खंभा वनामू आऊर ऊ फिन कभीयो बाहरे नी निकसी; आऊर मोयं आपन परमेश्वर कर नाम, आऊर आपन परमेश्वर कर नगर, अर्थात्- नवायहशलेम कर नाम; जे मोर परमेश्वर ठिन ले सरग से उतरेक वाला हय, आऊर आपन नवा नाम उकर उपरे लिखमू ।

प्रकाशित वाक्य २१:७

जे जीती, ओहे ई सोव चीज मन कर वारिस होवी आऊर मोयं उकर परमेश्वर होमू, आऊर ऊ मोर बेटा होवी ।

प्रकाशित वाक्य २:७

जेकर कान अहे, से सुईन लेवोक, आत्मा कलीसिया मन से का कहे ना; जे जीती, उके मोयं जीवन कर गाछ में से, जे परमेश्वर कर सरग राईज में हय, फर खायेक लई देमू ।

प्रकाशित वाक्य ३:२१

जे जीती, मोयं उके आपन संग आपन सिहासन उपरे बईठामू जईसन मोहों जीत कईर के आपन बाप कर साथे उकर सिहासन, उपरे बईठ गेलों ।

(४६) परमेश्वर हमरे के तलाक
कर बारे में बताएला

मती ५:३२

मगुर मोयं तोहर से ई कहोन कि जे केऊ आपन घरनी, व्यभिचार के छोईड़ के आऊर दूसर कोनो कारण से छोईड़ देवेला, तो ऊ उकर से व्यभिचार करवायेला; आऊर जे केऊ ऊ छोड़ल जनी से बिहा करेल, ऊ हो व्यभिचार करेला ।

लूका १६:१८

जे केऊ आपन जनी के छोईड़ के दोसरा से बिहा करेला, ऊ व्यभिचार करेला, आऊर जे केऊ अइसन छोड़ल जनी से बिहा करेला से हो व्यभिचार करेला ।

रोमियो ७:२,३

काले कि बिहा करल स्त्री व्यवस्था कर अनुसार आपन पति कर जीयत भईर उकरे से बांधल हय मगुर यदि पति मोईर जई, तो ऊ आपन पति कर व्यवस्था से छुईट गेलक । से लगिन यदि पति कर जीयत रहले में ऊ कोनो दूसर मरद केर होई जई, तो व्यभिचारिन कहाई, मुदा यदि पति मोईर जई तो ऊ, उकर व्यवस्था से छुईट गेलक, इहाँ तक कि यदि कोनो दूसर मरद कर होई जई, तेईयो व्यभिचारिन नी ठहरो ।

१ कुरिन्थियो ७:१०;११

जे मनक बिहा होई जा हे, ऊमनके मोयं निही, मुदा प्रभू हुकुम देवेला कि घरनी आपन अदमी से जुदा नी होवी । आऊर यदि जुदा भी होवी तो बेगर दुसर बिहा करल कर रही; चाहे आपन अदमी से फिर मेल कईर लेवी। आऊर ना अदमी के आपन घरनी के छोड़ेक चाही ।

प्रभु कर दूसर आगमन (४७)

मती २४:२७

काले कि जईसन बिजुरी पूरब से निकईस के पच्छिम तक चमकते जाएला, उसनेहे अदमी कर बेटा कर हो आवेक होई ।

प्रकाशित वाक्य ३:११

मोय जल्दी आवेक वाला अहों, जे कुछ तोर टिन आहे, उके थार्इम्भ राख कि केऊ तोर मुकुट के लूटेक नी पारी ।

याकूब ५:८

तोहरे हो धीरज धरा आऊर आपन हृदय के दिढ़ावा, काले कि प्रभु कर आवेक जल्दी होई ।

मती २४:३०

तले अदमी कर बेटा कर चिनहा आकाश में दिसी आऊर उकर बाद दुमिया कर सोव कुल कर अदमी मन छाती पीट-वयँ, आऊर अदमी कर बेटा के बड़सामर्थ आऊर महिमा कर साथ आकाश कर वदरी उपरे आवत देखवयँ ।

यूहन्ना १४:३

आऊर यदि मोयँ जाय के तोहरे मन लगिन ठाँव तेयारी करमू तो उकर बाद फिन आय के तोहरे के आपन इहाँ लेई जामू, कि जेहाँ मोयँ रहमू उहाँ तोहरे हो रहवा ।

मरकुस ८:३८

जे केऊ ई वयमिचारी आउर पापी जाईत कर बीच मोर से आऊर मोर गोईठ मन से लजाई, अदमी कर बेटा हो जखन ऊ पवितर दूत मन कर साथे आपन वाप कर महिमा में आवी तो उकरोहो से लजाई ।

(४६) प्रभु यीशु मसीह कर दूसर आगमन

लूका २१:२७

तले ऊ मन आदमी कर बेटा के बड़ सामर्थ आऊर बड़ महिमा कर साथ बदरी उपरे आवत देखवयँ ।

लूका १२:४०

तोहरे हो तैयार रहा, कालेकि जे घडी तोहरे सोईच हो नी सकल, वोहे घडी अदमी कर बेटा आय जावी ।

१ यूहन्ना ३:२

हे प्रिय मन, एखन हमरे परमेश्वर कर सन्तान हेकी. आऊर एखन तक ई परगट नी भेहे कि हमरे का कोनो होवब, मुदा इतना जानिलकि जखन ऊ परगट भेईहे तो हमरे हो उकरे तईर होवव, कालेकि उके उसनेहे देखव जईसन ऊ हय ।

प्रकाशित वाक्य १६:१५

देखा, मोयँ चोर तईर आवा थों, धन्य ऊ हेके जे जागते रहेला आऊर आपन लगा कर चौकसी राखेला, कि नंगा नी फिरी आऊर आदमी मन उकर नंगापन नी देखवयँ ।

मती १६:२७

अदमी कर बेटा आपन स्वर्गदूत मनकर साथ आपन बाप कर महिमा में आवी, आऊर ऊ समय ऊ सोत्र के आपन - आपन काम कर अनसार बदला देवी ।

प्रेरितों १:११

आऊर कहैक लागलयँ, हे गलीली अदमी मन, तोहरे काले सरग देने ताकाथा ? एहे यीशु, जे तोहरे ठिन ले सरग उपरे उठाय लेवल जाहे, जे एकम तोहरे उके सरग उपरे चघते देखला, ओहे एकम ऊ फिर आवी ।

परमेश्वर कर वचन

२ तीमथियुस ३ : १६

सोब पवितर शास्त्र परमेश्वर कर प्रेरणा से रचल जा हे, आऊर उदेश आऊर समझायेक आउर सुधराएक आउर धरम कर शिक्षा लागिन लाभदायक अहे ।

२ पतरस १ : २१

काले कि कोनो हो भविष्यद्वाणी अदमी कर इच्छा से कभी नी भेजक, मुदा भक्त जन मन पवितर आत्मा कर उभराल से परमेश्वर देने से गोठियात रहयँ ।

भजन संहिता ११६ : १०५

तोर वचन मोर गोड़ लगिन दीया आऊर मोर डहर लगिन ईं जीत हेके ।

भजन संहिता ११६ : ११

मोयं तोर वचन के आपन हृदय में राईवहों कि तोर विरुद्ध पाप नी करम् ।

मत्ती २२ : २६

यीशु ऊमन के उत्तर देलक, कि तोहरे पवितर शास्त्र आऊर परमेश्वर कर सामर्थ के नी जानल; एहे ले गलती में पड़ल अहा ।

मॉय ' प्रभुकर स्वर्गीय मदईत ' किताब के पईठ लेई हों । मोके दया कईर के मुफुत बाइबल पाठ हिन्दी/इंगलिस भाषा में भेईज देऊ ।

नाम

पता

... ..

पिन कोड

व्यवसाय

उमर

807K Assam Bihar SCK 268/2 Sadri HFA
Madhya Pradesh WBengal